

# **REFERAT SAA- Sanarfinermut Avatangiisinullu Ataatsimiititaq d. 08-03-2021**

**Mødedato** Mandag d. 08. marts 2021 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Ulloq unnuarlu najugaqarfik Isaajap Aqq 16, 3900 Nuuk.....	8
Suliat Aningaasaqarnermut Inuussutissarsiornermullu Ataatsimiititamut.....	11
Siunnersuut Kommunitum pilersaarummut tapiliusseq L7-1 Icefiord Lodge Nuuk, Kapisillit.....	12
Holmit Illuat, B-615 Nuummiittoq.....	15
Nuummi qimminik aneerussisarfik.....	19
Kommunitum pilersaarummut tapiliusseq 1C14-4, Nuutoqaq, Nuuk.....	22
Aatsitassanik Uninngatitsivik Nuummiittoq pillugu pilersaarutitut qinnuteqaat.....	27
Taasariaqartut allat.....	31
Lukket.....	32
Imaqarniliap akuerineqarnera.....	33

## **Punkt 0: Saqqaa**

### **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Lund Kuko (S)

### **Beslutning**

Ataatsimeeqataasut:

Charlotte Pike (IA)

Oqarasuaatsikkut:

Justus Hansen (D)

Harald Bianco (IA)

Mala Høy-Kúko (S)

Lund Kuko (S)

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## **Punkt 2: Nalunaarutit**

- 2a. siulittaasup nalunaarutai
- 2b. ingerlatsiviup nalunaarutai

### **Beslutning**

Ingerlatsivimmi paarlaatsitsinissaq pisortaanermit ilisimatitsissutigineqarpoq.

### **Punkt 3: Ilisimatitsissutit**

## **Punkt 4: Aalajangiiffigisassat**

## **Punkt 04A: Ulloq unnuarlu najugaqarfik Isaajap Aqq 16, 3900 Nuuk**

### **Beslutning**

Qinnutigineqartoq ataatsimiititami itigartinneqarpoq.

### **Bilag**

Allakkat tusarniaassutit

Tusarniaanermi akissutit

Sumiinnera

## **Ulloq unnuarlu najugaqarfik Isaajap Aqq 16, 3900 Nuuk**

Ilaqutariit ataatsit illuata ulloq unnuarlu najugaqarfingorlugu allanngortinneqarnissaa

Aalajangiiffigisassaq

J.nr.: BOG-2020-25017-001

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Namminersorlutik Oqartussanit namminersortuniillu inissiaqarfiit eqqaanni ulloq unnuarlu angerlarsimaffinnik pilersitsinissamik kissaatnik akuttunngitsumik Kommuneqarfik Sermersooq tigusaqartarpoq. Taamatut kissaateqarnerit ataasiakkaajusarput, amerlanertigullu illumik tuniniaasoqarneranut atatillugu. Ulloq unnuarlu najugaqarfiit assigiinngitsuupput, taamaattumik amerlasuutigut ajornakusoortuusarpoq, suliffeqarfik taamaattoq qanittumi avatangiisinut qanoq sunnuteqassanersoq eqqarsaatigalugu.

Pineqartumi matumanerpiaq KT-Ejendomme Nuuk A/S apeqqutigaa Isaajap aqqutaa 16 ilaqutariit ataatsit illugisimasaat, ulloq unnuarlu najugaqarfingortinneqarsinnaanersoq. Isaajap Aqqutaani kommunimut pilersaarummi inissiaqarfiliorfissatut A-tut atugassiissutigineqarpoq, akerlianik immikkoortut C-t, pilersaarusiortarnermut inatsit naapertorlugu ilaatigut paaqqinnittarfiliorfissatut atugassiissutigineqarsimasut.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- nunaminertamik atuinissamik qinnuteqartoq inissiaqarfimmi pineqartumi ulloq unnuarlu najugaqarfimmik pilersitsinnaanersoq eqqartorneqassasoq aammalu qinnuteqaat akuersissutigineqassanersoq imaluunniit itigartissutigineqassanersoq aalajangiiffigineqarlunilu

### **Suliassamik saqqummiussineq**

Ilaqutariit ataatsit illui ulloq unnuarlu najugaqarfittut atorneqarsinnaanersut apeqquteqaatigineqartarpoq Ingerlatsivimmi maluginiarneqartarpoq. Kingullermik KT-Ejendomme Nuuk A/S-ip kissaatigisimavaa lisaajap aqqutaa 16-imi meeqqanut tallimanut 8-niit 18-nut ukiulinnut ulloq unnuarlu najugaqarfingortinneqassasoq.

Illu apeqquteqaatigineqartoq, Isaajap Aqq 16 (Ilanngussaq 3) kommunimut pilersaarut naapertorlugu immikkoortoq A-tut atugassiissutigineqarpoq: inissiaqarfissaq.

Meeqqanut tallimanut 8-niit 18-nut ukiulinnut ulloq unnuarlu najugaqarfik pineqarpoq, tassanilu amerlanerpaamik meeqqat tallimat inersimasullu marluk najugaqarsinnaassapput. Illup silataa allanngortinneqassanngilaq. Illup atornissaanik qinnuteqaateqarnermi suliassat allaaserineqartut eqqarsaatigalugit, ilaqutariit ataatsit illuata atorneqartarneranit allaanerunngitsut nalilerneqarpoq.

Pilersaarusiortarnermut inatsit naapertorlugu immikkoortumi A-mi ulloq unnuarlu najugaqarfiliornissamat akuersisoqarsinnaavoq, saniliani najugallit annertunerusumik akornusersunnginnissaat qulakkeerneqarsinnaappat. Suliffeqarfiup atuuffia ingerlanneqarneralu ineqarnermut tunngasuni inituallaassanersut, suliffeqarfik sorleq qinnuteqaatigineqarnerisooq apeqqutaassaaq.

Isaajap aqqutaa najugaqarfiummat annertunngitsooq, ingerlatsiviup aalajangerpaa sanilerisanut tusarniaasoqassasoq. Tusarniaanermi akissutit arfinillit pissarsiarineqarput, taakkunannga marluk sanilerisanit qaninnernit tusarniaaffigineqarsimasunit akissuteqaataallutik. Tusarniaanermi akissuteqaatini tallimani tamanit erseqqissaassutigineqarpoq inissiaqarfiusooq, aammalu ulloq unnuarlu angerlarsimaffik angallattoqarnerulerneranik, nipiliortoqarnerulerneranik, eqqakkanillu maangaannaq eqqakkat annertunerulerneranik kinguneqassasoq.

sanilerisanit qaninnernit tusarniaaffigineqarsimasunit akissuteqaataallutik. Tusarniaanermi akissuteqaatini arfinilinni tamanit erseqqissaassutigineqarpoq inissiaqarfiusoq, aammalu ulloq unnuarlu angerlarsimaffik angallattoqarnerulerneranik, nipiliortoqarnerulerneranik, eqqakkanillu maangaannaq eqqakkat annertunerulerneranik kinguneqassasoq.

#### *Aaqqiissutissatut siunnersuut – suliatigut naliliineq*

Ingerlatsiviup sumiffik inissiaqarfittut atorneqarnissaa aaliangiusimavaa, ulloq unnuarlu angerlarsimaffiit sumiiffiup immikkoortup allannguuteqarneranik kinguneqassammat.

Aappaatigut ingerlatsiviup ajornartorsiutaat paasilluarsinnaavaa, taamaattumillu ingerlatsiviup Sanarfinermut Avatangiisinullu Ataatsimiititamat pineqartoq eqqartortikkusuppaa inaarutaasumillu aalajangeequllugu.

Aalajangiineq akuersinerusaaq - imaluunniit qinnuteqartup qinnuteqaataanik itigartitsinerussalluni.

#### *Aningaasatigut sulisoqarnikkullu naliliinerit*

Aningaasatigut sulisoqarnikkullu kinguneqassanngilaq.

#### *Inatsisitigut tunngavissaq allakkallu tunngaviusumik uppersaatitallit*

Attuumassuteqartumut innersuussineq:

- Inatsisartut inatsisaat nr 17, 17 november 2010-meersoq (Pilersaarusiortarnermut inatsit)
- Sermersooq2028.gl (Kommunimut pilersaarut)
- 1A6 Qaqortoq & Avannarliit, Nuuk

#### *Ingerlariaqqinnissaq*

Suliaq Sanarfinermut Avatangiisinullu Ataatsimiititami oqaluuserineqassaaq, tamannalu pereerpat aalajangerneq suliamat attuumassuteqartunut nalunaarutigineqarumaarluni.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

#### **Innuttaasunik peqataatitsineq/Attaveqaqatigiinneq**

Inissiaqarfiit illullu saniliiniittut tusarniaaffigineqareerput. Akissuteqaatit arfinillit pissarsiarineqarput, taakkunanga marluk qanittumi eqqaamiorineqarput, sinnerilu sisamat Isaajap Aqqutaani najugalinnit pissarsiarineqarput.

#### **Ingerlatsivinnit allaniit oqaaseqaatigineqartut**

Soqanngilaq.

#### **Ilanngussat**

1. Allakkat tusarniaassutit
2. Tusarniaanermi akissutit
3. Sumiinnera

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

## **Punkt 05A: Siunnersuut Kommunit pilersaarummut tapiliussaq L7-1 Icefiord Lodge Nuuk, Kapisillit**

### **Beslutning**

Inassuteqaat akuersissutigineqarpoq.

### **Bilag**

Siunnersuut kommunimut pilersaarummut tapiliussaq L7-1 Icefiord Lodge Nuuk, Kapisillit

## **Siunnersuut Kommunitum pilersaarummut tapiliusseq L7-1 Icefiord Lodge Nuuk, Kapisillit**

Aalangiiffigisassaq

J.nr.: ANL-2021-00003

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunitum pilersaarummut tapiliusseq L7-1 naapertorlugu sanaartugassatut siunnersuut *Icefiord Lodge Nuuk, Kapisillit*, kommunalbestyrelsimit ulloq 24, novembari 2020-mi akuersissutigineqartoq periarfissaalerpoq.

Pilersaarut atorlugu immikkoortup ilaa nutaaq L7 ilanngunneqassaaq, tassanilu takornarianut illuaqqat 50-it tungaannut amerlassusillit taakkunungalugu attuumassuteqartut atortorissaarutit, matumani neriniartarfik illullu ingerlatsinermut tunngasut ilanngullugit sanaartorneqarsinnaallutik. Puttasut aamma immikkoortup sanaartorfiusussap akornganni assakaasulinnut aqqusiortoqarsinnaavoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatiga:

- siunnersuut kommunitum pilersaarummut tapiliusseq L7-1 Icefiord Lodge Nuuk, Kapisillit akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuusutissarsiornermullu Ataatsimiititami aalangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Kommunitum pilersaarummut tapiliusseq L7-1 naapertorlugu sanaartugassatut siunnersuut *Icefiord Lodge Nuuk, Kapisillit*, kommunalbestyrelsimit ulloq 24, novembari 2020-mi akuersissutigineqartoq periarfissaalerpoq.

Pilersaarut atorlugu immikkoortumut pilersaarut nutaaq L7 ilanngunneqassaaq, tassanilu takornarianut illuaqqat 50-it tungaannut amerlassusillit taakkunungalugu attuumassuteqartut atortorissaarutit, matumani neriniartarfik illullu ingerlatsinermut tunngasut ilanngullugit sanaartorneqarsinnaallutik. Immikkoortup ilaa nunaqarfiup Kapisillit, nunaatileqarfiup Neriuup, kiisalu illuaraqarfiit K26 aamma K27 Kapisillinnut attuumassuteqartut eqqaanniippoq. Illuaqqat qisunnik aqqusineqqanillu aqqusinilersorneqarsinnaapput pilersuinerlu ilanngunneqarsinnaalluni.

Sanaartugassatut siunnersuutaasoq nukissiuuteqarnikkut imminut pilersortuussaaq.

Sanaartornermut atatillugu puttasuliortoqarsinnaavoq, taannalu tamanit atorneqarsinnaasuussaaq.

Aserfallatsaaliuinermit atatillugu nunaminertamik piginnittussaataasoq

pisussaaffeqartinneqassaaq.

### **Aaqqiissutissatut siunnersuut – suliatigut naliliineq**

Siunnersuut Kapisillit nunaqarfittut minguitsuusutut piujuartitsisutullu kommunalbestyrelsip takorluugaanut attuumassuteqarpoq.

Nunaminertamik atuinissamut akuersissut pitinnagu immikkoortumi itsarnitsanit eriagisat itsarnisarsiuunit misissuisoqassaaq.

#### *Aningaasatigut sulisoqarnikkullu naliliinerit*

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl) // [www.kp.sermersooq.gl](http://www.kp.sermersooq.gl)

#### *Ingerlariaqqinnissaq*

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, kingornalu politikkikkut oqaluuserineqaaqqissalluni. Pilersaarummut tapiliussaq kommunalbestyrelsimit inaarutaasumik akuersissutigineqassappat, nunaminertamik atuinissaq sanaartornissamullu akuersissut tunniunneqassapput. Tamatuma kingorna sanaartorneq aallartinneqarsinnaavoq.

#### **Aningaasaqarnermut Allatseqarfimmit oqaaseqaatit**

Oqaaseqaateqanngillat.

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, tamannalu Kapisilinni, Nuuk Ugeavisimi aamma kommunip nittartagaani nalunaarutigineqassaaq.

Piffissami pineqartumi tusarniaassummut akissutinik nassiussisoqarsinnaavoq.

#### **Ingerlatsivinnit allaniit oqaaseqaatigineqartut**

Oqaaseqaateqanngillat.

#### **Ilanngussat**

1. Siunnersuut kommunimut pilersaarummut tapiliussaq L7-1 Icefiord Lodge Nuuk, Kapisillit

## **Punkt 05B: Holmit Illuat, B-615 Nuummiittoq**

### **Beslutning**

Inassuteqaat akuersissutigineqarpoq.

## **Holmit Illuat, B-615 Nuummiittoq**

Siunissami atorneqarnissaa

Aalajangiiffigisassaq

J.nr.: ANL-2021-00002

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivik siunissami Aqqaluup Aneerasaartarfiata ineriartortinneqarnissaanik aallartitsivoq. Tassunga atatillugu ersarissivoq, Holmit Illuat (B-615), aneerasaartarfiup qeqqani inissisimasooq pillugu kissaatigisat isummallu amerlasuujusut. Taamaattumik ingerlatsiviup siunnersuutigaa, illumut tunngatillugu immikkut ittumik suliniuteqartoqassasooq, taamaasilluni aneerasaartarfik tamakkerlugu ineriartortitsinissamut peqataasinnaaqullugu.

Suliniuummi pineqarpoq, imermut attavilernissaa, innaallagissamut kuuffissuarnullu, aammalu nutarterneqassasooq assigiinngitsunik immaqalu taarseraattunik atuuffilersorlugu, tamakkununga ilanngullugu saqqummersitsivittut, cafetut allanillu tamanit peqataaffigineqartartunik. Taamaaliornikkut aneerasaartarfik uummarinnerulersitseqataaffigissavaa, tamaanilu aneerasaarsinnaanermut neqerooruteqarfiulersinneqarluni, maannakkutut aqqusaartarfiinnartut atorunnaarluni.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- B-615-ip Nuummiittup siunissami atuuffissaa pillugu siunnersuut akuersissutigineqassasooq
- suliaq inaarutaasumik akuersissutigisassanngorlugu Aningaasaqarnermut Inuussutissarsiornermut, kiisalu Kommunalbestyrelsimut ingerlateqqinneqassasooq

### **Suliassamik saqqummiussineq**

Sanarfinermut Avatangiisinullu Ingerlatsivik siunissami Aqqaluup Aneerasaartarfiata ineriartortinneqarnissaanik aallartitsivoq. Tassunga atatillugu ersarissivoq, Holmit Illuat (B-615), aneerasaartarfiup qeqqani inissisimasooq pillugu kissaatigisat isummallu amerlasuujusut. Taamaattumik ingerlatsiviup siunnersuutigaa, illumut tunngatillugu immikkut ittumik suliniuteqartoqassasooq, taamaasilluni aneerasaartarfik tamakkerlugu ineriartortitsinissamut peqataasinnaaqullugu.

Ingerlatsiviup siunnersuutigaa illu attavilersorneqassasooq imermut, innaallagissamut kuuffissuarnullu illulu nutarterneqassasooq assigiinngitsunik immaqalu taarseraattunik atuuffissalerlugu, ataani nassuiaatigineqartunut. Ingerlatsiviup nalilerpaa illu najugaqarfissatut naleqqutinngitsooq, ilaatigut inissisimaffia pissutigalugu, tamanit iserfigineqarsinnaasooq, ilaatigullu illup periarfissarititai.

Kuuffissualersorneqaruni, peqatigitillugu illup sanilia kuuffissuarnut atanilerneqarnissaanut periarfissiisoqassaaq.

Illup siunissami atorneqarnissaanik ingerlatsiviup siunnersuutaa innuttaasunik peqataatitsisimanermit tunngaveqarpoq, 2020-mi aasakkut ingerlanneqartumit. Tassani maani kulturimik sullissiviit arlallit erseqqissaatigaat, illup taarseraattunut atorneqarnissaa kissaatigineqartoq, tassunga ilanngullugu piffissami killilimmi saqqummersitsinernut. Aamma kissaatigineqarnikuuvoq illu sukuutsinik atukkiussisarfittut atorneqassasoq imaluunniit aneerasaartarfimmi arlaanik susoqartitsineranut atatillugu katersuuffissatut.

#### *Aaqqiissutissatut siunnersuut – suliatigut naliliineq*

Illoqarfimmik inerisaanermut immikkoortortaqaqriup immikkoortumut iluaqutissaalluurtutut isigaa, illu siunissami tamanit iserneqarsinnaasunnorgortinneqartuuppat. Aneerasaartarfiup aqqusaarneqaannartannginnissaa tamatumuuna anguneqassagaluarpoq, aammali eqqissisimaartarfittut. Aamma nutarterneqaruni tamassuma ineriartortinneqarnissaa aallartinneqarsinnaalissaaq.

Illup qitiusumik inissisimaffia pissutigalugu, illoqarfimmi sumiiffimmilumi, assigiinngitsunik atuuffeqarsinnaavoq, tamakkununga makkua assersuutigalugit;

- Cafe
- Saqqummersitsineq
- Assassukkanik tuniniaavik
- Sukuutsinik atukkiussisarfik
- Oqalugiartarnerit
- Qanilluni tusarnaartitsinernut ikittuinnarnik tusarnaartulerluni

Illu assigiinngitsunik susasaqarfiussappat, pisariaqartitanut assigiinngitsunut tunngasunik, ingerlatsiviup siunnersuutigissavaa, illu nutarterneqassasoq marlunnik perusuersartarfilerlugu, illup qaliaanut ammarneqassaaq (illua tamakkiisumik ammarlugu, qaliani ini ilanngullugu), illup qalia aniinganeralu qanittuussapput, attavilersuisoqassaaq innaallagissamut, imermut kuuffissuarnullu aammalu igaffeeralerneqassalluni.

Atortut ninngusuujussapput, iikkat natillu, taamaasillutik nungullanngikkaluarlutik qarsorsinnaaniassammata. Tamanna anguneqassaaq siunertanut assigiinngitsunut atorneqartalerpat, aserfallatsaaliinermullu aningaasartuutikillisaataassalluni.

#### *Aningaasatigut sulisoqarnikkullu naliliinerit*

Siunissami atorneqarnissaa ingerlatsinermut aningaasartuutunik attartortitsinermilu isertitanit tunngaveqassaaq.

#### *Inatsisitigut tunngavissaq allakkallu tunngaviusumik uppersaatitalit*

- o Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq

#### *Ingerlariaqqinnissaq*

Ingerlatsiviup suliniutissatut siunnersuut aallartissavaa aammalu naleqquttumik nutarterneqarnissaanut akinik pissarsiniassalluni. Tamatuma kingornagut tamakkua sanaartugassanut missingersuutit iluanni aningaasaliissutinut naapertuuttuunersut ingerlatsiviup nalilersussavai.

**Aningaasaqarnermut Allatseqarfimmit oqaaseqaatit**

Pisiariaqanngilaq.

**Innuttaasunik peqataatitsineq/attaveqaqatigiinneq**

Innuttaasut marloriarlutik immikkoortillugit peqataatinneqarnikuupput Aqqaluup Aneerasaartarfiata tassunga ilanngullugu Holmit Illuata, B-615-ip siunissami atorneqarnissaat pillugu.

**Ingerlatsivinnit allaniit oqaaseqaatigineqartut**

Soqanngilaq.

**Ilanngussat**

Soqanngilaq.

## **Punkt 05C: Nuummi qimminik aneerussisarfik**

### **Beslutning**

Inassuteqaat akuersissutigineqarpoq.

### **Bilag**

Inissisimaffissaatut siunnersuut pillugu nunap assinga

## **Nuummi qimminik aneerussisarfik**

Aalajangiiffigisassaq

J.nr.: ANL-2021-00004

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Ingerlatsivik ukiuni kingullerni qimminik aneerussisarfimmik ataatsimik arlalinnilluunniit pilersitsinissamut kissaateqartunik arlalinnik saaffigineqartarpoq.

Ingerlatsivimmit immikkoortup ilaani 4D5-imi nunaminertamik qimminik aneerussisarfiusinnaasumik ungalulimmik, immikkoortumi qimmiutilippassuit qimmit pinnguaqatiginissaanut sapaatip-akunneranut ataasiarlutik naapittarfiata eqqaani, atugassiisoqarnissaa siunnersuutigineqarpoq. Qimminik aneerussisarfik arlalitsigut ajunngitsortaqarpoq, pingaartumik ungalusami qimmit killeqanngitsumik pangalissinnaassapput taamalu qimminik ersigisaqartunut akornutaanatik.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Nuummi qimminik aneerussisarfiup pilersinneqarnissaanut siunnersuut tamanut tusarniaassutigineqarnissaa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Ingerlatsivik ukiuni kingullerni qimminik aneerussisarfimmik ataatsimik arlalinnilluunniit pilersitsinissamut kissaateqartunik arlalinnik saaffigineqartarpoq. Ullumikkut Nuummiinnaq uumasut 790-it, taakkunanngalu amerlanerussuteqarlutik qimmit, nalunaarsorsimapput. Qimmit, Danmarkimit aammali sinerissami allanit eqqunneqartartut, amerligaluttuinnarput (Donnas Dyreklinikimi Qimminik nakkutilliisumit paasissutissat pissarsiarineqarput).

Matumani qimminik aneerussisarfik pineqartoq tassaavoq nunaminertaq ungalusaq minnerusoq annerusorluunniit qimmit pituutaqaratik killeqanngitsumik pangaliffigisinnaasaat.

Kommunimi Qimmit qitsuillu pillugit ileqqoreqqusami §17, imm. 2-mi allassimavoq *”Qimmit tamarmik illoqarfiup iluani najugaqarfinnilu pituutaqartinneqassapput.”* Taamaattumik qimminik aneerussisarfik paragrafimi matumani pineqartumi atuutsinneqassanngilaq.

### **Aaqqiissutissatut siunnersuut – suliatigut naliliineq**

Ingerlatsivimmit immikkoortup ilaani 4D5-imi nunaminertamik qimminik aneerussisarfiusinnaasumik ungalulimmik, immikkoortumi qimmiutilippassuit qimmit pinnguaqatiginissaanut sapaatip-akunneranut ataasiarlutik naapittarfiata eqqaani, atugassiisoqarnissaa siunnersuutigineqarpoq – ilanngussaq 1 takuuk.

Qimminik aneerussisarfik arlalitsigut ajunngitsortaqarpoq, pingaartumik ungalusami qimmit killeqanngitsumik pangalissinnaassapput taamalu qimminik ersigisaqartunut akornutaanatik.

Ingerlatsivimmit qimminik aneerussisarfimmik pilersitsinermut atatillugu, Donnas Dyreklinik suleqatigalugu, atorneqartarnissaanut najoqqutassiortoqarnissaa siunnersuutigineqarpoq.

### *Aningaasatigut sulisoqarnikkullu naliliinerit*

Ungalunik, issiavinnullu takisuunut kiisalu eqqakkat imaartarnissaanut pilersitsinermut aserfallatsaaliuinemullu aningaasartuuteqartoqassaaq. Ingerlatsivimmit missingersuutinit pioreersunit akilerneqartarnissai siunnersuutigineqarpoq.

### *Inatsisitigut tunngavissaq allakkallu tunngaviusumik uppersaatitallit*

- Kommuneqarfik Sermersuumi qimmit qitsuillu pillugit ileqqoreqqusaq
- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq
- Inatsisartut inatsisaat nr. 23, 22. november 2011-meersoq & Inatsisartut inatsisaat nr. 24, uu. 28 november 2016-meersoq (inatsisartut inatsisaannut allannguutit)
- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### *Ingerlariaqqinnissaq*

Soqanngilaq.

### **Aningaasaqarnermut Allatseqarfimmit oqaaseqaatit**

Pisiariaqanngilaq.

### **Innuttaasunik peqataatitsineq/attaveqaqatigiinneq**

Ingerlatsivimmit inississimavissaanut siunnersuut kommunip innuttaasunik peqataatitsinermut tunngatillugu nittartagaani, Kommuneqarfiga, tamanut tusarniaassutigineqassasoq siunnersuutigineqarpoq, matumanilu allanut imaluunniit ilassutissatut inissinneqarnissaanut siunnersuutitut ammaassisoqarluni.

### **Ingerlatsivinnit allaniit oqaaseqaatigineqartut**

Piniarneqanngilaq.

### **Ilanngussat**

1. Inissisimaffissaatut siunnersuut pillugu nunap assinga

# **Punkt 05D: Kommunitut pilersaarummut tapiliussaq 1C14-4, Nuutoq, Nuuk**

## **Beslutning**

Pineqartoq 1: Kommunitut pilersaarummut tapiliussaq 1C14-4, sanaartorfissaq C6 ilanngunnagu ataatsimiititamiit akuersissutigineqarpoq

Pineqartoq 2: Inassuteqaat akuersissutigineqarpoq.

## **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 1C14-4, Nuutoq, Nuuk. Nunap assinga ilanngullugu 1A & 1B, 2A & 2B kiisalu 3A & 3B immikkoortumik takussutissiisut aammalu sanaartorfissaq C6 ilanngunnagu

Suliniutit tiguneqartut

# Kommunimut pilersaarummut tapiliussap 1C14-4, Nuutoqaq, Nuuk inaarutaasumik akuersissutigineqarnera

Aalajangiiffigisassaq

J.nr.: ANL-2020-00014

Sanarfinermut Avatangiisinullu ingerlatsivik – Pisortaq Hans Henrik Winther Johannsen /HHWJ

## Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq. Kommunimut pilersaarusionermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut siunertalinnut.

Maannakkut pilersaarut malillugu immikkuualuttut sisamat atugassanngortinneqarput. Immikkoortup ilaani 1C14-mi alliliinissamat periarfissat assigiinngitsut sanaartorfissallu tulliuttuni sukumiisumik nassuiaatigineqartut atugassanngortinneqarput. Hans Egedep Aqquerna B-75-imiit biilinet angallattunut matuneqassasoq, suliassaqtulli angallassinissaat periarfissiissutigalugu.

Piffissami tusarniaaffiusumi tusarniaanermut akissuteqaatit arfineq-marluk tiguneqarsimapput, oqaasertaasigut annikitsunik allannguutitaqartut, tamatumalu kingunerisaanik immikkoortup ilaata kujasinneraani aaqqiissutissanik tunngaviatigut assigiinngitsunik ingerlatsivik saqqummiussaqqarpoq.

Piffissap tusarniaaffiusup ingerlanerani Sanarfinermut Avatangiisinullu Ingerlatsivik ilisimatinneqarpoq soqutigisallit sumiiffimmi sanaartorfissaq C6-ip inissisimaffiani suliniutissatut qinnuteqaammik nassiussinialersartoq.

## Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussaq 1C14-4 Nuutoqaq, Nuuk, inaarutaasumik akuersissutigineqassasoq, ataani allassimasut akornanni toqqarsoqarnikkut:
  - A. **Kommunimut pilersaarummut tapiliussatut 1C14-4, sanaartorfissaq C6 ilanngullugu akuersissutigineqassasoq**  
KPT tamanut nalunaarutigineqareerpat pilersaarut naapertorlugu sanaartorfissat allat ilanngullugit makitsissutigineqassaaq, makitsinermilu kikkut tamarmik peqataasinnaapput.
  - B. **Kommunimut pilersaarummut tapiliussaq 1C14-4, sanaartorfissaq C6 ilanngunnagu akuersissutigineqassasoq**  
Tamanna immikkoortumik pilersaaruteqarfiusumik qimatsinngilaq, aammalu kikkulluunniit pilersaarummut qinnuteqaammik nassiussinnaapput. Immikkoortup ilaa D nutarterneqassaaq tamaangalu aamma C6 ilanngullugu inissinneqassaaq.
- suliaq inaarutaasumik akuersissutigisassanngorlugu Aningaasaqarnermut Inuussutissarsionermut kiisalu Kommunalbestyrelsimut ingerlateqqinneqassasoq

## **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq.

Kommunimut pilersaarusionermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut siunertalinnut. Taamaasilluni sinaakkusiisinaavoq kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut. Maannakkut pilersaarut malillugu immikkualuttut sisamat atugassanngortinneqarput:

**Immikkualuttoq A** inissianut, suliffeqarfinnut, inuussutissarsiortunut kiisalu sinniisuuffinnut siunertalinnut atugassatut.

**Immikkualuttoq B** qitiutillugit inissianut sinniisuuffinnut siunertalinnut atugassatut.

**Immikkualuttoq C** pingaarnertut katersugaasivimmut, sannavinnut, inuussutissarsiortunut, neriniartarfinnut kiisalu isiginnaariartarfinnut siunertalinnut atugassanngortinneqarpoq.

**Immikkualuttoq D** sumiiffik sukisaarsarfittut pinnguarfinnut, sammisassaqartitsinernut siunertanut eqqissisimaartarfittullu. Immikkualuttoq biinikt angallannernut asserneqassaaq.

Tamakku saniatigut sapsiap immerneqarsinnaanera pilersaarummi periarfissiissutigineqarpoq. Immikkoortup ilaani 1C14-mi alliliinissamat periarfissat assigiinngitsut sanaartorfissallu tulliuuttuni sukumiisumik nassuaatigineqartut atugassanngortinneqarput:

**A1** – B-56-ip avannaa tungaata isaternissaanut pilerseqqinnissaanullu periarfissaaq.

**A2** – B-1962-ip allilernissaanut periarfissaaq.

**B1** – B-510-ip illuanik iluarsartuineq sanaqqiinerlu.

**C1, C2, C3, C4** – Nunatta Katersugaasiviata Allagaateqarfiatalu allilerneqarnissaanut periarfissaaq.

**C5** – Kulturilerisunut, isiginnaartartunut imaluunniit takornarianut atugassamik illu minneq, matumani sannavik imaluunniit eqqumiitsuliortut sanaavinik pisiniarfik aamma takornarialerisut allaffiat. Ulluinnarni inuussutissanik, kioskinik assigisaanilluunniit ingerlatsisoqarsinnaanngilaq.

**C6** – Sanaartorfiit anginerit kulturimut innuttaasunullu siunertalinnut.

**C7** – Illup allilerneqarnissaanut periarfissaaq, matumani pilersaarutip akuersissutigineqarnerani B-normulerneqanngilaq.

Matumani pilersaarummi immikkoortup kujaterpiaani Hans Egedesvejip naanerani aqqusineq allanngortinneqarpoq. Hans Egedep Aqquserna B-75-imiit biilinet angallattunut matuneqassasoq, suliassaqtulli angallassinissaat periarfissiissutigalugu. B-234, B-283, B-2369 aamma B-45 eqqaanni aqqusineq biilertunit aqutigineqarsinnaassanngilaq, nunaminertamik atuisinnaasunillu, B-normut taaneqartut, taamaallaat atorneqarsinnaassaaq. Nunaminertamik atuinissamik piginnittut illoqannginnersami utaqqiisaasumik nunaminertamik atuinissamik qinnuteqaateqarsinnaapput, silami sassaallersinnaanermut periarfissalimmik, piffissami killilikkami aqqissuussiffiusinnaasumik, niuffatsinissamat assigisaannullu atugassamik.

### *Aaqqiissutissatut siunnersuut – suliatigut naliliineq*

Ingerlatsiviup immikkoortup ilaa 1C14, qitiusumik siunertamut (C), sumiiffimmi ataatsimut siunertanut atugassanngortinneqartoq, suli eriaginartutut nalunaarsorsimassasoq nalilerpaa. Taamaallilluni kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut najoqqutassiisinaavoq.

Immikkoortup ilaata illuliat illoqarfiullu oqaluttuassartaata ilisarnaataa attatiinnassavaa nukittorsarlugulu, illutoqqat qaliai illugiimmik sivinganillit silataanilu iigai qalipannillit.

Ingerlatsivimmit immikkoortup ilaani nutaamik angallannermut aaqquissuussinerup kingunerisaanik biiliniq angallanneq annikillisarnerneqartoq malugeqquneqarpoq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqarsimanngilaq.

#### *Inatsisitigut tunngavissaq allakkallu tunngaviusumik uppersaatitallit*

- Pilersarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-meersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Maanna atuuppoq kommunimut pilersaarummut tapiliussaqaq 1C14-4 kommunimut pilersaarut 1C14-3 atorunnaarsinneqarpoq.

#### **Aningaasaqarnermut Allatseqarfimmit oqaaseqaatit**

Pingaarteqanngilaq.

#### **Innuttaasunik peqataatitsineq/attaveqaatigiinneq**

Siunnersuut sapaatit-akunnerini arfinilinni piffissami decembarip qulingiluaanniit 2020 – januarip ulluisa 20-ata 2021-p tungaanut tamanut tusarnaassutigineqarpoq.

Piffissami tusarniaaffiusumi tusarniaanermut akissuteqaatit arfineq-marluk tiguneqarsimapput, oqaasertaasigut annikitsunik allannguutitaqartut, tamatumalu kingunerisaanik immikkoortup ilaata kujasinnersaani aaqquissutissanik tunngaviatigut assigiinngitsunik ingerlatsivik saqqummiussaqaqarpoq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Tidligere beslutninger**

*Sanarfinermut Avatangiisinullu Ataatsimiititaq 26.10.2020:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititap 12.11.2020:*

Inassuteqaat akuersissutigineqarpoq.

*Kommunalbestyrelsi 24.11.2020:*

Inassuteqaat akuersissutigineqarpoq.

#### **Ilanngussat**

1. Tusarniaanermut akissutiniq suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaqaq 1C14-4, Nuutoqaq, Nuuk.

Nunap assinga ilanngullugu 1A & 1B, 2A & 2B kiisalu 3A & 3B immikkoortumik takussutissiisut aammalu sanaartorfissaq C6 ilanngunnagu.

4. Suliniutit tiguneqartut.

## **Punkt 05E: Aatsitassanik Uninngatitsivik Nuummiittoq pillugu pilersaarutitut qinnuteqaat**

### **Beslutning**

Inassuteqaat imatut oqaaseqaatitalerlugu akuersissutigineqarpoq:

Immikkoortup ingerlateqqinneqannginnerani, paasissutissat allat, Namminersorlutik Oqartussani naalakkersuisoqarfinit attuumassuteqartunit piniarneqarnissai pillugit ingerlatsivik peqquneqarpoq.

### **Bilag**

Tusarniaassummut akissuteqaatinik takkuttunik suliarinninneq

Tusarniaanermi akissutit tiguneqartut

Ilanngussat ilanngullugit pilersaarummut qinnuteqaat

Inatsisartut inatsisaat nr. 34, 9. december 2015-imeersoq

Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

Immikkoortoq siulleq

# Aatsitassanik Uninngatitsivik Nuummiittoq pillugu pilersaarutitut qinnuteqaat

Aalajangiiffigisassaq  
J.nr.: ANL-2020-00010

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

## Suliassamik eqikkaaneq

Illuliassamik titartaasartuq Thomas Riis ApS, Aqqartartut Masik sinnerlugu, Nuummi parnaarussiviup avannaani immikkoortup ilaani 4B4-mi aatsitassarsiorfimmik pilersitsinissaq siunertaralugu pilersaarummik qinnuteqaat nassiuppaa.

Sanaartornissamut siunnersuut tusarniaaffigineqareerpoq tusarniaanermilu akissutit qulingiluat pissarsiarineqarput. Taamaattorli allannguinessamut pissutissaqartitsinngillat. Taamaattoq nunaminertamik atuinissamut inniminniisinaanermut atatillugu arlalinnik piumasaqaatitaqassasoq, sanaartornissallu immikkoortua siulleq taamaallaat nunaminertamik inniminniissunneqassasoq ingerlatsivimmit innersuussutigineqarpoq. Tamanna itisilerneqarpoq.

Ingerlatsiviup erseqqissarpaa pilersaarusiortup immikkoortumi pisortanik sanaartorfissagissarneqareersimasumi suliassani akilissagaa.

Pilersaarut kommunimi ataatsimoorussamik inuussutissarsiuqarfirmik kiisalu Illoqarfiit Pingaarnersaat pillugu Periusissiami kommunip siunniusnaanup pilersaarut naleqquttuusooq ingerlatsiviup pingaarnertut nalilerpaa.

## Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarutip immikkoortua siulleq akuerineqassasoq
- suliaq inaarutaasumik akuersissutigisassanngorlugu Aningaasaqarnermut Inuussutissarsionermut kiisalu Kommunalbestyrelsimut ingerlateqqinneqassasoq

## Suliassamik saqqummiussineq

Pilersaarummik piginnittumit kissaateqarpoq Nuummi parnaarussiviup avannaatungaani immikkoortumi 4B4-mi aatsitassarsiorfimmik pilersitsinissamik kissaateqarpoq. Pilersaarummi nunaminertaq narsaamaniusoq tassungalugu atasumik talittarfimmik pilersitsinissaq kissaatigineqarpoq, tassanilu immamit atortussat suliarineqarsinnaassapput immikkoortiterneqarlutillu, aserorterneqarlutillu toqqorneqarlutik.

Pilersaarummi paasissutissani immikkoortumi sanaartorfissat pingasut siunnersuutigineqarput:

- Sanaartorfissaq 1; 1.200 m<sup>2</sup> maskiinaasivinnut, allaffeqarfirmut aamma tunisassiorfirmut aatsitassanik mianerisassanik passussinermut / toqqorsinermut.
- Sanaartorfissaq 2; 1.600 m<sup>2</sup> sannavinnut, allaffinnut unnuisarfinnullu.
- Sanaartorfissaq 3; 2.000 m<sup>2</sup> tankeqarfinnut garageanullu.

Ingerlatsivimmit qinnuteqarfiusup annertussusaanut tunngatillugu sukumiisumik nassuiaatit, sanaartorfissamullu atugassani ilanngunneqarsimasut assitalersukkat sooq taama

angissuseqarnerannut nassuiaat amigaatigineqarput. Pilersaarummut paasissutissani titartakkat takussutissaasut ersarissumik takutippaat nunaminertat annertuut pineqartut. Tamanna qularunnaartitsiumik takussutissiingilaq annertussusissaanut tunngatillugu misissuisoqarsimasoq taakkulu immikkoortumi inuussutissarsiortunut allanut akornutaasinnaapput.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivimmit pilersaarut pingaarnertut Illoqarfiit Pingaarnersaat pillugu Periusissiamut aammalu kommunimut pilersaarummi Nuummi inuussutissarsiuteqarfittut saqqummiunneqartumut naleqquttusoq nalilerneqarpoq.

Ullumikkut immikkoortoq pinngortitami sukisaarsartarfiunera allanngortiterneqarpoq, tassa qaartiterutaasivimmut nutaamut aqquitalimmik inuussutissarsiuteqarfittut nutaatut suliarineqarmat. Immikkoortut ilaanut pilersaarutini atuuttuni tamanna akuersissutigineqareerpoq. Taamaattorli aqqutikkut qorsooqqissukkat qoorukkat illoqarfiup qeqqata tunuatungaani atassusiisuunera oqaatigineqartariaqarpoq. Immikkoortumi taakkuninnga ajorseriaataasinnaasut pilersaarummut taama annertutigisumut eqqaaneqartariaqarput.

#### **Ataatsimut naliliineq**

Pilersaarummik piginnittoq pijuartitsinerusumik nioqqutissamik ineriartortitsinissamik periarfissamik pilersitsiniarnera pitsaasuvoq. Taamaattorli ingerlatsivik pilersaarummik tamakkiisumik naliliivoq, inuussutissarsiuteqartunut allanut annertuumik inissaqartitsisoqanngitsaq, taamatuttaarlu immikkoortumi sukisaarsartarfiit attatiinnarnissaannut aaqqiissutaasinnaasut eqqarsaatigineqarsimanngitsut.

Kommunitut eqqaamasassarput tassaavoq, pilersaarusionermut inatsisip allanngornerani nunaminertat pilerinarluinnartut angisuut akeqanngitsumik agguaanneqartarnissaat ammaanngarmat, aamma suliat ingerlannerini illoqarfiup innuttai tamaasa pitsaanerpaamik anguniagaqarfineqarnissaat sulissutigiuartassagippat, soqutigisaqatigiit ataasiakkaajunngitsaq. Taamaattumik ingerlatsiviup inassutigaa qinnuteqartoq makkuninnga piunasaqaateqarfineqassasoq.

1. Pilersaarummik piginnittup pisortat immikkoortumi sanaartofigissarsimasaanni suliaqarfissani nammineq akilernissaanut pisussaaffilerneqassaaq. Tassunga atatillugu 4-5-inik inuussutissarsiornermi nunaminertanik pilersitsisoqarnissaa pilersaarutaavoq.
2. Immikkoortumi inissaqassanngilaq allanilluunniit unnuisarfeqassanngilaq.
3. Immikkoortumi pisuttunut ujakkaartunullu angalaarfineqaannarsinnaanissaa sulissutigineqartariaqarpoq.
4. Inissamik pisariaqartitsineq sukumiinerusumik nassuiaatigineqassapput.
5. Pilersaarutip ineriartortinnissaanut siunnersuutinut tunngatillugu piffissamut killiliussassanik piunasaqaateqartoqassaaq.

#### *Aningaasatigut sulisoqarnikkullu naliliinerit*

Pilersaarummut qinnuteqaat kommunimut aningaasatigut kinguneqassanngilaq.

#### *Inatsisitigut tunngavissaq allakkallu tunngaviusumik uppersaatitalit*

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-meersoq

### *Ingerlariaqqinnissaq*

Imatut ingerlariaqqittoqassaaq:

1. Kingornalu soqutiginnittumut nunaminertamut inniminniissut ukiuni marlunni atuuttusaaq tunniunneqassaaq, soqutiginnittorlu nammineq immikkoortumut sukumiisumik aalajangersagartallimmik kommunimut pilersaarummut tapiliussassatut siunnersuusiussaaq.
2. Ingerlatsiviup Kommunimut pilersaarummut tapiliussinermi immikkoortumi ataavartumik inissialiortoqarsinnaannginnera, pilersaarutip ineriartortinnissaanut illoqarfimmilu sukisaarsaarfinnut aqquteqarnissaanik qulakkeerinissamut piffissamut killiliussanik piunasaqaateqarnerup annertusarneqarnissaa erseqqissassavaa.
3. Kommunimut pilersaarummut tapiliussap tamanut tusarniaassutigineqareernerata kingorna avatangiisinullu sunniutinik naliliisoqassappat nalileereernerup kingorna nunaminertamik atuinnissamut akuersissuteqartoqassaaq, taassumalu kingorna sanaartorneq aallartissinnaassalluni.

### **Aningaasaqarnermut Allatseqarfimmit oqaaseqaatit**

Oqaaseqaateqanngilaq.

### **Innuttaasunik peqataatsineq/attaveqaqatigiinneq**

Pilersaarut tamanut tusarniaassutigineqaaqqissaaq, tamannalu Nuuk Ugeavisikkut kiisalu kommunip assigiinngitsutigut attaveqaqatigiinnermut nittartagaatigut nalunaarutigineqassaaq. Tusarniaanermi suliniut pillugu tamanut paasissutissiisummik ataatsimiisitsisoqarpoq Katuami, tassani inuit 30 missai takkuppet.

### **Ingerlatsivinnit allaniit oqaaseqaatigineqartut**

Oqaaseqaateqanngilaq.

### **Tidligere beslutninger**

*Sanarfinermut Avatangiisinullu Ataatsimiititaq 26.10.2020:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititap 12.11.2020:*

Inassuteqaat akuersissutigineqarpoq.

*Kommunalbestyrelsi 24.11.2020:*

Inassuteqaat akuersissutigineqarpoq.

### **Ilanngussat**

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit tiguneqartut
3. Ilanngussat ilanngullugit pilersaarummut qinnuteqaat
4. Inatsisartut inatsisaat nr. 34, 9. december 2015-imeersoq
5. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq.
6. Immikkoortoq siulleq

## Punkt 6: Taasariaqartut allat

### Beslutning

Justus Hansen: Sanarfinermut Avatangiisinullu Ingerlatsivimmut aamma Kommunalbestyrelsimut qujanaq.

Naak ataatsimiititaq Tunumeersuinnarnik ilaasorta qaraluartoq, ataatsimiititamit kommune tamakkerlugu sullinneqarnera ingerlanneqarpoq.

Tunumi eqqaavissuit torersarneqarneri tulluusimaarutigivaa.

Pisortaanermut, ataatsimiititani allatsinut minnerunngitsumillu oqalutsinut qujanaq.

Kommunalbestyrelsinngortussap takusinnaassavaa suliassat annertuut sularisimagivut arlalissuarnillu aalajangiisarsimasugut ilaatigut Tasiilami suliassanut tunngasunik. Inissiarpassuit aallartinneqartussaapput. Utoqqaat illuat nutaaq atorneqalereerpoq. Nunaqarfinni torersaasoqareerpoq aamma taakku naammassineqarput.

Harald Bianco: Piffissaq qinigaaffiusoq ingerlalluarsimavoq, Kitaaniittunik suleqateqarlualuni. Qujanaq, soorunami qinigaqqissalluta neriuppugut.

Mala Høy-Kúko: Aamma qujassuteqarpoq. Takuneqarsinnaavoq qanoq sanaartortoqartigisimanera, pingaartumik inissianut tunngasunik. Suleqatigiilluarnissaq pingaaruteqartuusimavoq. Qujanaq atorfilittanut, naak ulapaarfiugaluartoq sullissilluarsimanagerat pillugu.

Charlotte Pike: Aamma qujassuteqarpoq, suleqatigiilluarsimaneq nuannaarutigalugu.

## **Punkt 7: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 14:45.